

元魏熒陽鄭文公摩崖碑跋
石門
漢射陽石門畫象彙攷



元魏熒陽鄭文公摩崖碑跋

諸可寶著

編主五雲王

編初成集書叢

元崖 魏碑 熒跋 陽及 鄭其 文他 公二 摩種

中華民國二十六年十二月初版

發行人

王雲五
長沙南正路

印刷所

商務印書館
長沙南正路

發行所

各埠商務印書館

平

(本書校對者 董雲武 王崑武)

元魏熒陽鄭文公摩崖碑跋

本館據式訓堂叢
書本排印初編各
叢書僅有此本

元魏熒陽鄭文公摩崖碑跋

元魏熒陽鄭文公下碑。在掖縣城南十五里雲峯山之東。爲北朝諸碑板之冠。文雅書工。字體尤極精采。卽省變之字。亦悉本漢。晉以來隸書。無背形聲。與他碑連篇俗書者。固判衢壤矣。閒有同聲通借。大都闡符經典。未嘗有鄉壁虛造之字。闌入如顏氏家訓所指斥者。青浦王侍郎昶金石萃編未之搜載。嘉定錢少詹大昕潛研堂金石文跋尾始稱魏書本傳。父曄不仕。而碑云拜建威將軍云云。當從碑爲是。又稱論樂一事。可補本傳之闕。謚文靈。碑祇稱文公者。猶諸葛孔明謚忠武。而後人止稱武侯。舉其美者言之也。儀徵相國太傅文達公山左金石志亦稱可據碑以補魏書之闕。是金石文字之有助於史逸也。攷鄭氏北地世家雲峯。天柱之間。三世手迹。標儁兩朝。獨此碑結銜下有草字旁注。余謂案其筆迹。實爲一手書。明此是碑文草稿。刊正碑時。文加刪削。辭益簡美。以石好。故別刊碑稿於此。名此爲下。故號正碑爲上。今試按文對校。其刪削修飾之迹甚顯。益可信爲初屬草之稿本矣。近人儀徵汪鋆研山氏刊十二硯齋金石過眼錄。未議及此。并未載上碑正文。是其疏也。余嘗歷稽經典。知此碑通借字之可據。如借麟作麤。潛研堂金石文跋尾謂魏書同此。但北史唐書世系表俱作麟。蓋二字可通用。今案說文。麟爲馬黑唇。麤爲麒麟字。麟爲大牝鹿。玉篇以麟爲麤之或文。上碑正作麤。此爲形聲相同之假借字。左氏定九年傳注。若麟爲田獲。穀梁傳序。麟感化而來。陸德明經典釋文皆曰。本又作麟。又借熒作榮。案熒陽本作榮陽。卽禹

貫滎波之陽也。說文熒滎二形不同。周官職方氏。其川滎雒。漢書地理志。水經濟水注皆作滎。左氏隱元年經注。熒陽宛陵縣西南。釋文。熒或本作滎。韓勅後碑。河南熒陽。以熒作滎。二字通用。自漢已然。又借緝作緝。緝字無攷。玉篇以蓄爲蓄之。或文。廣韻以蓄爲蓄之。重文。此碑又省蓄从書。案武斑碑。齊國臨蓄。以蓄爲蓄。知凡从蓄之字。皆可省从書。碑特漈去中豎耳。又借弈作奕。案方言。奕容也。廣雅釋詁。弈容也。又釋訓。弈弈容也。是以弈爲奕之證。尹宙碑。谷朗碑。奕世字皆作弈。又借遂作逮。玉篇以悵爲悵之。或文。隶二形。古自通。案漢書外戚恩澤侯表。顏帥古集注云。遂字或作逮。亦其證。又借晷作圖。晷爲都。晷字案一切經音義八引詔定古文官書云。圖晷二形同。又借楊作揚。案揚州字本應作楊。曹全碑。兗豫荆楊。字从木。藝文類聚。初學記。太平御覽二引尙書。周官爾雅。楊州字皆从木。郭忠恕佩觿云。楊柳也。亦州名。宋本爾雅。史記尙皆不誤。自張參五經文字始。以从木爲非。開成石經因之。後人反定。以从手爲正矣。又借栝作括。爲易括囊之括。栝括皆从昏聲。詩車鞶釋文。括本亦作栝。書君奭。南宮括。大傳作适。國語。莊子釋名。皆以栝爲筭。淮南子。張衡西京賦。又以括爲筭。是凡从舌聲者。古皆可互通。又借瞻作詹。晉孫夫人碑。瞻前字如此。此又省舌作台。案詩闕宮。魯邦所詹。說苑雅言引作魯侯是瞻。左氏莊十七年經。齊人執鄭詹。公羊作瞻。又僖七年傳。鄭詹。呂覽務本。韓子十過。史記晉世家。竝作瞻。可證。又借孰作孰。案說文。孰卽訓食飪義。無孰字。後人變隸。加火形。孟子。荀子。禮記皆以孰爲孰。史記。周髀算經。呂覽始以孰爲孰。要知孰孰本是一字。又借寘作慎。山左金石志釋作寡。非諦寘之。爲寘形無疑。案說文。慎从心真聲。新埒寘。

从一眞聲。古讀慎爲眞聲。不與今音順同。寘亦爲眞聲。不與今音置同。漢書古今人表。魯慎公。史記魯世家。作眞公。詩譜序。疏作貞公。可知慎寘形聲同。故可通。又借愍作敏。案漢書古今人表。宋愍公。徐幹中論。作敏公。漢書律曆志下。距縉公七十六歲。集注。縉讀與愍同。愍敏縉皆一聲之通。又借素作索。案書孔安國序。左氏昭十二年。傳八索字。釋文皆云。索本作素。禮記。素隱行怪。亦讀如索。魏王基殘碑。憲章墳素。亦以素爲索。又借蘊作蘊。案廣韻云。蘊俗作蘊。玉篇。蘊蘊同。訓積也。聚也。蓄也。蘊又訓藏。今反以蘊爲正字。碑尙不譌。古但用緼字。易繫辭。乾坤其易之緼邪。可證。又借曆作歷。案易。治曆書。曆象曆數。漢書藝文志。律曆志。皆作歷。莊子天下篇。曆物之意。釋文。曆古歷字。說文分爲二。然自得通。又借閑作閒。案閑爲馬閑。又防閑。借爲閒暇之閒。自經史諸子。皆已互通。釋文屢見。可證。又借于作乎。上碑正作乎。案莊子人間世篇。且幾有剪乎。釋文云。崔本作于。列子黃帝篇。今汝之鄙。至此乎。殷敬順釋文。乎本又作于。論語。孝于惟孝。釋文。于本作乎。列子周穆王篇。於于余一人。釋文。于又作乎。是于乎二字。古自相通。又借篆作彖。讀爲史字。同上碑作研。注。畱史。可證。案說文。彖讀若弛。彖彖二形。古讀彖象。非如今音通貫切。此篆从竹彖省。非今篆隸之篆。上碑史爲正字。此爲同聲假借字。元魏元象二年。元氏縣趙融造凝禪寺三級浮畱之碑。頌郁郁顯於篆册。亦以篆作史之證。又借縱作從。容之從。案縱從古本通。如縱橫作從橫。是已。山海經大荒南經。南旁名曰從淵。郭璞注。從音驄。馬之驄。縱有驄音。自與從容之從音同。元魏正光四年。懿侯高貞碑。縱容校文之職。亦如此。縱作縱形。乃與魏封孔羨碑之縱同也。他如字形之从隸變隸省者。監作監。劉

君殘碑。博覽字从𠄎。碑凡从𠄎之鑒覽等字皆本之。節作節。史晨奏銘。節字如此。隸凡从竹者。𦵏竹不分。又或作𠄎。碑皆本之。督作瞽。西狹頌。瞽郵字如此。凡从叔之字皆本之。窆作窆。禮器碑陰。故窆州從事。曹全碑。窆豫荆楊字均如此。將作將。揚淮表紀。將作大匠字省。又如此。刺作刺。石門頌。刺過拾遺字如此。陽作陽。漢碑字多省。且凡从易者皆本之。鄭作鄭。石門頌。南鄭魏整字如此。又或不省。碑作碑。華山廟碑。字如此。氏民皆加。作氏民。曹全碑。因氏焉。華山廟碑。功加於民字如此。凡从氏民者本之。徒作徒。孔龢碑。司徒字如此。凡从走者本之。善作善。石經儀禮殘碑。善乎字如此。職作職。衡方碑。將授緹職字如此。乎作乎。魏封孔羨碑。能無頌乎字如此。漢作漢。禮器碑陰。鮑丹漢公字如此。高作高。白石神君碑陰。郝幼幼高字如此。凡从台之亮享亭字皆本之。解作解。石門頌作解。此又省。開作開。李孟初神祠碑。開陽貴君字如此。經作經。鄱閣頌。經用衿組字如此。義作義。晉孫夫人碑。皆是義形字如此。凡从義者本之。美作美。韓仁銘。夏承碑。皆變从美如此。策作策。晉太公呂望表。得竹策之書類。此又省。德作德。張遷碑。德字如此。箸作著。谷朗碑。威恩素著字如此。儒作儒。晉孫夫人碑。以儒雅稱字如此。真作真。魯峻碑陰。棣真子然字如此。昭作昭。魏封孔羨碑。昭顯上世字如此。凡从召者本之。辟作辟。曹全碑。仍辟梁州字如此。能作能。西狹頌。進不能濟字如此。凡从能者本之。致作致。孔宙碑。告用致仕字如此。直作直。孔彪碑。直道事人字如此。凡从直者本之。競作競。楊震碑。作競。此又變从二竟而省。一見形。陵作陵。禮器碑。禮樂陵遲字如此。夷作夷。魏受禪表。東夷字如此。聰作聰。楊叔恭殘碑。開聰四聽類。此又省。玉篇以聰爲俗。虔作虔。西狹頌下

辨李叟類此。此又省。劉作劉。曹全碑陰。劉政元方變从二。此又省。从章艸形。冀作冀。禮器碑陰。馬瑤元冀字如此。隱作隱。鄱閣頌。即便求隱字如此。此又省。全作全。說文古文全字如此。凡从全者本之。靜作靜。謙敏碑。守靜微尢字如此。逸作逸。景北海碑陰。薛逸字如此。屬作屬。西狹頌。屬縣趨教字如此。勃作勃。魯峻碑陰。勃海字如此。興作興。張遷碑。周宣王中興。晉建興甄字竝从日。徵作徵。史晨奏銘。端門見徵字如此。凡从徵者本之。發作發。魯峻碑。樵然疏發字如此。凡从發者本之。正作正。孔彪碑。自然之正字如此。遷作遷。景北海碑。陰召邱遷字變从升如此。豁作豁。史晨奏銘。淮源廟碑。害皆省作害。此本之。明作明。石門頌。君德明明字如此。贈作贈。王基殘碑。贈以東武侯字如此。凡从囟者皆本之。燕作燕。魏上尊號奏雉鳩燕齋字如此。齊作齊。景北海碑。陰齊冰字似此。此蓋小變。凡从齊者本之。邊作邊。衡方碑。邊民是鎮字如此。此又省。建延廷作建延廷。石門頌。至建和二年。谷朗碑。宜延遐紀。曹全碑。廷曹廊閣。皆變从廷如此。凡从廷者皆本之。傳作傳。譙敏碑。傳道與京君明字如此。北碑專專不分。凡从專專者皆本之。此作此。魏范式碑。上尊號奏此竝作此。遠作遠。張遷碑。陰章對遠字如此。哉作哉。章艸哉字如此。稟作稟。魏元丕碑。吳谷朗碑。稟字始从米。北碑又多作稟。此蓋小有漫漶而異也。靈作靈。景北海碑。陰魂靈字如此。氣作氣。史晨後碑。屏氣拜手字如此。恆作恆。隸凡从互亘不分。鄱閣頌。恆失司晷字如此。據作據。孔彪碑。將據師輔字如此。北碑處處不分。皆本之。籍作籍。孔褒碑。魏受禪表。皆以籍爲籍如此。此又省。備作備。西狹頌。則爲設備字如此。達作達。華山廟碑。深達字如此。式作式。武梁祠畫象題字。後世凱式字如此。陰作陰。孔宙碑。

陰、魏郡陰安字如此。凡从今如含字變从含者本之。曆作曆。史晨後碑、彌應億萬始變麻从麻如此。所作
所、禮器碑、禮所宜異字如此。留作留。張遷碑、留字如此。然作然。史晨奏銘、却揆未然字如此。沈作沉。白石
神君碑、水無沉氣字如此。絕作絕。郿閣頌、激揚絕道字如此。於作於。熹平殘碑、行成於內字如此。凡从於
者本之。博作博。靈臺碑、楊震碑、並變十从小如此。碑之協字亦本之。學作學。晉太公呂望表、先秦滅學字
如此。荅作荅。石門頌、下荅皇字如此。說文本从艸从竹者俗字。第作第。說文本即弟字。類篇以第爲弟
之或文。孔龢碑、通高第字如此。彌作弥。王基殘碑、弥留字如此。雖作雖。郿閣頌、雖昔魯班字如此。簡作簡。
孔宙碑、濟宏功於易蘭。即以蘭爲簡如此。數作數。晉太公呂望表、考年數字如此。顏作顏。禮器碑、顏氏聖
嗣字如此。辭作辭。晉孫夫人碑、爲之辭曰字類此。此又變舍爲舌。亂字因之。陟作陟。白石神君碑、尔乃陟
景山字如此。凡从步者本之。假作假。史晨後碑、作傲假。此蓋兩用之。員作員。史晨後碑、國縣員尤字如此。
碑凡口厶互通。多本之。散作散。石門頌、出散入秦字如此。碑凡从攴之字皆互通。作攴者本之。均作
均。郿閣頌、平均字如此。从土加、多本之。就作就。武梁祠畫象題字、就之如雲字如此。凡从京者本之。郿
作邳。劉熊碑、砾字如此。从氏者蓋本之。嚳作嚳。說文本从墨。嚳默古字通。尚書恭默、古文作嚳。漢書賈誼
傳、于嗟嚳嚳兮。史記作默。婁壽碑、元嚳有成類此。此又省土形。蕭作蕭。白石神君碑、嵩山太室闕銘、肅皆
从省。此蓋因之。觀作觀。史晨後碑、咸俾來觀字如此。此又省聽作聽。石門頌、帝用是聽字如此。隰作隰。魯
峻碑陰、顙公字从省。此因之。總作摠。樊敏碑、總角好學字類此。此又變糸从手。器作器。張遷碑、利器字如

此兼作兼。孔謙碣。兼行相事字如此。說作悅。西狹頌。敦詩悅禮字如此。禮作礼。說文。礼。古文。禮。白石神君碑。礼。孝字如此。易作易。張遷碑。治京氏易字如此。僞作僞。曹全碑。僞。艾字如此。隨作隨。石門頌。劉熊碑。隨字皆如此。厥作廡。張遷碑。陽氣廡析字如此。庶作庶。嵩山太室闕銘。眾庶所尊字類此。此又變作从。祭作祭。史晨奏銘。四時來祭字如此。承作承。史晨後碑。乃敢承視字如此。敬作敬。史晨後碑。李謙敬讓字如此。詣作詣。白石神君碑。詣。大常字如此。喪作喪。楊淮表紀。曹全碑。喪字如此。疏作疏。淮源廟碑。疏穢濟遠字如此。胥作胥。禮器碑。皇戲統華胥字如此。鼎作鼎。吳寶鼎。甄寶鼎二年字如此。此又省。寬作寬。衡方碑。寬慄字如此。嚴作嚴。上碑作嚴。西狹頌。不嚴而治字如此。此又省。从嚴者本之。穆作穆。張遷碑。於穆我君字類此。此又小變。耕作耕。耿勳碑。發荒田耕種字如此。此又省。从禾。桑作桑。禮器碑。顏育空桑字如此。鞭作鞭。隸凡从革者皆作革。此本之。戮作戮。耿勳碑。威不戮仁字如此。此加。寢作寢。史晨奏銘。尹宙碑。竝作寢。此變从宀。往作注。石門頌。揆注字如此。牢作牢。史晨奏銘。祠孔子以太牢字如此。歸作歸。尹宙碑。京夏歸德字如此。此又省。葬作葬。魏膠東令王君碑。葬于京師者五世字如此。簿作簿。西狹頌。主簿字如此。等作等。史晨後碑。劉耽等字如此。邈作邈。孔彪碑。邈矣不意字如此。此又變。从乃。稽作稽。禮器碑。稽字類此。此又變。旦作旦。武氏前石室畫象題字。周公旦字如此。姬作姬。漢碑。願熙字多變。臣作臣。此本之。睿作睿。魏受禪表。叡智神武字類此。此又變。克作剋。衡方碑。剋亮天功字如此。典作典。說文本。从曲。从卌。此省。一加。獨作獨。武氏左右石室畫象題字。獨處字如此。凡从蜀者本之。孤作孤。魏上尊號奏。若孤者字如此。鄒

作鄆。孔宙碑陰。梁鄆趙震字如此。澤作澤。石門頌。澤有所注字類此。此又變繼作繼。章草繼字右旁如此。盾作胤。魏封孔羨碑。胤軒轅之高縱字類此。此又變从彳。紱作紱。夏承碑。印紱字如此。歲作歲。華山廟碑。以歲時往祠字如此。辛作辛。劉君殘碑側。辛酉字如此。卯作卯。武氏石闕銘。弟知造字如此。四十作卅。鄭固碑。年卅二字如此。皆可證其有所受也。此外綿省爲綿。道昭太基山東堪石室銘。亦从省。尙有古文系从彳。無下巾形之遺意。律省爲律。當時字體。人多互用。如使使是已。又讓省爲讓。滅省爲滅。初省爲初。龍省爲寵。及字形小變者。若聯作聯。穎作穎。凡作丸。寵作寵。鳳作鳳。休作休。亦止數文。弓則爲書卷字。六朝經典。凡若干卷竝作弓。偶沿當時之體。非若不用爲罷。更生爲蘇。追來爲歸。神虫爲蠶。先人爲老之謬戾也。至下碑與上碑彼此小異之字。千載彼作伎載。百世彼作千世。淋氣彼作純氣。賦詠彼作文賦。銓衡彼作詮衡。明儁彼作經書。超侍彼作文侍。於位彼作孚位。替覽彼作厯覽。悉可按校而得。今十二硯齋本釋文。譌脫甚夥。又是校者之疏。第二行碑下脫草字。稱上脫著字。陵譌凌字。黃門侍郎譌持節字。豁譌豁字。如此上脫致字。公上誤空一格。寘譌寡字。高直譌真字。超異譌異字。誅譌謠字。雅下脫博字。常下增使字。久于譌孚字。年下脫而字。替齊州譌兗字。替光州譌兗字。時上脫先字。公之制公譌比字。公上無衍文。誤衍四口。鼎譌卅字。化上誤衍二口。耕譌耕字。贈譌贈字。程譌陳字。弗譌不字。協譌惕字。或譌戎字。循改嗣字。卅譌卅字。賴碑文具在。足以訂正。後此百年剝蝕。而椎拓不精。研山之書。不將傳譌來許乎。用竭鄙陋。補前人所未詳。毛舉如右。欲讀碑者。知共珍貴焉。光緒二年六月七日。錢唐諸可寶識。



石門碑驛

王森文撰

本館據涉聞梓舊

本影印初編各叢

書僅有此本

石門碑譯目錄

趙敏若碑

范鼎碑

北魏永平碑

曹濟之碑

文岡碑

張伯山碑

安丙碑

王遠石門銘

石門

諸城王森文誤

右扶風丞碑

趙公茂碑

俞伯謨碑

鮮于翔碑

楊孟文石門頌

李益碑

楊伯邳碑

劉希曾碑

潘宗伯碑

晏表碑

山河堰碑

衮雪

漢永平碑

漢永平碑陰

章邵碑

玉盆

郝閣銘 附

重刻郝閣銘 附

游石門記

郝閣銘摩崖碑攷 附

右扶風丞李君石刻攷